

賜

綺

堂

集

賜綺堂集卷十二詩目

哇哇岩

山行

哭譚蘭楣郡伯詩六首有序

言哥樵司馬自閩中郵示所作連江謠十章賦此奉酬

黃繩庵貳尹

楷以所著詩見示

南昌彭配堂

邦鼎

客於施州郡齋蓋不羈之士

也賦長律二首奉贈

兩接君香書來賦五古四首答之

益山小桂長僅尺許四序作花此山外所無也  
春農下榻書齋以盆蘭伴之得五律二首

春日郊行十二首

施州樂府十四章

杯中月

懷謫仙也

道旁碑

思遺愛也

敲釘椎

嚴胥吏也

刲礮火

慎拘提也

雀穿屋

劙刀矜也

虎負嵎

翦土豪也

捕魚兒 禁拳賊也

漫貓子

懲博徒也

喫紅錢

緝流匪也

沽白酒

平市價也

牛馬走

戢騎兵也

鹿豕游

戒游女也

挖蘋根

憫窮黎也

采蘂苗

決疑獄也

題雪山樓閣圖三首

爲春農題紅杏枝頭春意鬧畫扇

賜編堂集  
奉和郡伯佟鏡塘先生見示二首

元庭侍郎饋人侵賦此誌感

楊甫書來問訊賦此答之

病瘡

山中岑寂偶檢張豳原大使

廷弼

月湖泛舟詩

讀之愛其風調率和六章奉寄

乙亥八月十七日載酒奎星閣中招王生

家

尹生

其璫

羅生

成章

周生

炳先

褚生

上林

田生

岱  
刺生  
小集金粟花前得長律二首

鴻綺堂集卷十二

吳苑 詹應甲 鱗飛

詩

哇哇砦

哇哇砦高且大行人十步九下拜哇哇大笑青天外風蕭蕭兮雲迷迷鷓鴣偏向愁人啼哇哇失哺寒且饑哭聲倒流三峽迴五溪哇勿笑且勿哭我摩其頸拍其腹爛煮嵯峨石化餳與兒飽喫桃花粥

山行

筍輿雅稱人山輕無奈山深不放晴山腳雨霏山頂雪

山雲遮斷未分明

哭譚蘭楣郡伯詩六首

有序

蘭楣郡伯守施州四載於嘉慶甲戌季春移  
守武昌卽於是年九月初三日歿於官署逾  
月而故吏始聞凶問乃設公之位於北門蕭  
寺中奠酒焚詩以哭之

出山春向馬頭生忍聽西風鶴唳聲官到江城催別夢  
魂飛巫峽算歸程  
公家江右當軸爲之經紀始得歸櫬  
依其令弟里門公之夫人與女公子偕赴蜀中  
夔州別駕黃堂竟定終身局白旗當書後世名留與西  
明傳畫像韋皋來去最分明

公籌邊四載自榜其艦曰  
明諸葛治蜀法故施人德

之多育焚香設位者  
韋皋爲諸萬後身敬云

也會持節擁星輶玉尺平量萬里遙

公朝冠任朝底事  
曾督學湖南底事

奇窮無計送

見公鬻馬  
典衣詩

何嘗豔福等明消才人作郡情

難乞

要求退而院司慰留  
旋拜武昌之命

廉吏傳家守不搖

公奉中丞  
公遺訓以

廉隅  
自曠

漫說武昌魚似米一棺未蓋金蕭蕭

甫易簫郎  
至斷炊

郵書重疊寫紅箋依舊愁懷兩地懸棘手政多難借箸

賞心曲少易離絃

訖書中所述

拈花彈指真雙度

公以珊瑚  
夫人得度

圖屬題今攜

證果回頭恰一年

公西小春郡齋櫺袖二  
果各並蒂而生五枚記

和公詩有我佛證果無偏私  
之句於今一年竟成語訛

仙馭倘須銀鹿控定呼小

尹捲絲鞭

州書來甚惜之蓋絕筆也

公聞余舊僕尹壽卒於旌

題襟招月過山房

余曾與甲辰試公引爲同年

召

非爲栽花課吏忙

獄有兩岐須五聽詩無一字不三商

公嚴於詩律一字未諧必商酌再四

傳箋絡繹人頗評之書櫞魯郡生花管學闡陽明爇辦香腸斷色

絲誰付與扶牀嬌女哭中郎

冠鼇峯頂樹吟秋隔歲曾陪履舄游指月幾人傳佛印

迴風何處引仙舟

兼精二氏之學難留鶴倦遺宗慙能序鴻文

待子由

令弟鐵鏘別駕士子與公伯仲終始交情徐孺子爲公經紀轍

輶畱

謂徐廣軒司馬

豈料東郊絮語時人天路隔在臨岐飛鳬盼斷眞成幻

病中猶盼化鵠歸來信轉疑垂死夢魂憐故吏而屢示

書未來

夢求生丹藥誤庸醫庸醫或舛誤投據  
補之藥遂致不起一腔熱血雙行淚畢竟難酬國士知

言歸樵司馬自閩中郵示所作連江謠十章賦此奉酬

一萬餘里江海遙一千餘言心手調其言非空其事實作者猶爲連江謠成十章區以目萬口傳誦千手鈔連江異政不止此此其大者有十條吾聞連江有九龍拔山摩青霄六鼇駕水乘黑潮濱海而處多老饕非大智慧具全力官其地者鮮不耳聾目眩心搖搖書生下車三月耳力挽風氣如迴鑪譬如良醫治風疾先固其

木除其標米蟲不生盜糧絕魚鹽來集市舶招探懷有  
珠犀在手颶風蟹雨都冰消此時鯨鱣且遠徙何況石  
華海扇同萍漂豕人虎鬼化爲鼠草蟲不敢鳴嚙嚙政  
閒濡墨寫長卷南天星斗捫皎綃寄我尺鱗三十六語  
長心重披瓊瑤我歌此詩吹鐵簫空山雷雨泣老蛟中  
有奇氣何蕭騷安得乘風同泛遠江橈拍肩一問言哉

樵

黃繩庵貳尹楷以所著詩見示

不道蠻煙瘴霧中逢君妙手翦蠶叢詩如老吏無疑獄  
官到深山作寓公曾向五雲捫列宿偏從三峽借迴風

繩庵向爲京縣尹不久仍當遷去三年縣譜難描就乞與龍眠畫筆工江家皖

南昌彭配堂邦鼎客於施州郡齋蓋不羈之士也賦長律二首奉贈

老結山中不惹緣心情還繞紫雲邊翩然阮瑀工書記妙似溫岐逐管絃貰酒同澆巴蔓塚解裝偶寄鬱林船百慚懷筆窺東閣未遇公孫廿載前余曾受知於南昌文勤公即配堂之

叔祖

鎮日彭郎伴小姑家山寫上翠眉無配堂新贅於施州樊氏杏花  
郵店探春訊近作杏花詩楊柳河橋贈別圖配堂工於音律最賞臨川折柳

曲詞適送其俗吏登場皆傀儡名流揮塵笑侏儒尊前  
成友故云

厭聽巴童奏自譜新聲擊唾壺

兩接茗香書來賦五古四首答之

晨興送生行宵夢從我游生言不忍別願爲旬日留袖  
出所鈔詩有字當校讎我亦心許之疑義重研搜坐生  
退舫中嘯傲凌渝洲竹風驚吠犬顧影空躇躇此時茆  
店月一宿何處投

冰花凝馬蹏石筍貫魚腹瘴雲封密林虎偃向人哭歷  
險一萬重回頭免失足昨買樊陵舟江帆順流速定慰  
倚閣心雀聲喜剝啄頌椒酒一卮家山上眉綠讀書能

閉門方是才人福

阿琅本頑劣夙疾况未除不忍鞭策加毋乃餚犧愚祇  
此纏綿意情深同老夫每聽夢寐中口唶雙鯉魚君歸  
榻尚懸徘徊不忍趨塵間舊題句鄭重移紗幙一真不  
可掩取信在吾徒

士不出里門蜚聲應廷試制科旌異材行必偕計吏  
一官入山深老向鹽車棄虛名膺薦章敢負上官意三  
年生服除我適離此地相待入長安天工巧安置早酬  
鮑公知甥子以道誼侍郎鮑公贈生詩有好力人間第一流之句

盆山小桂長僅尺許四序作花此山外所無也

金粟不堆盤點綴向拳石居然影扶疎丹上几席益  
山破綠苔照水一痕碧四序抱秋心非傲廣寒客誰移  
靈鷲峯縮之不盈尺天香本有根要豈借人力山窓坐

夜闌且聽賦珠潤

春農下榻草齋以盆蘭伴之得五律二首

韻士難求友幽花不媚官半鋤分影瘦一翦護春寒筆  
手饒新意琴心愜古懽笑他桃李艷空向洛陽看

室小纔容硯簾疏不礙簪茱香吹雪澹詩味入山深畫  
到波三折題來雨一襟苔華雙玉佩方許結同心兼懷苦杏

附和作

恩施褚上林春農

桃李春城滿幽花種自官鋤分絲雨細窗護絳雲寒  
手植饒清艷心香結素懽托根欣得地蕭艾莫同看  
葉翦分青盜牙抽挺碧簪寫來詩格老夢到國香深  
玉立風生佩珠拋露滿襟益山依小桂各自抱芳心

春日郊行十二首

硯匣詩筒付典籤戴星自笑雪盈顛升車差比升堂好  
衙鼓無聲手一編

簿書堆案暫抽身令甲編排列里鄰民氣要同春氣鵠  
不妨終日逐香塵

細雨霑衣出郭門筍輿宛轉歷山根東風似解巡鄉意

淡抹輕烟幾處村

飛絮濛濛濕板橋  
棕櫚樹老結團蕉  
櫻桃開遍棠梨落  
錯認山寒雪未消

柳邊人歇一舟橫  
拍拍飛鳧掠水驚笑  
指前灘撐不上  
渡頭爭唱踏莎行

水竹烟蘿影倒垂  
呼名山鳥自相隨  
渾忘石磴紆迴上  
恍聽風廊掛畫眉

小市家家颶酒帘  
松毛棚敝接茆檐  
趁墟要趁風光早  
聯袂人如比翼鵠

牛是山家牛  
客家一年生計在  
漚麻如何不學當  
憲織

版與鮫人上海檻

山中深處最能多爲粵嶺人來販去

樹杪泉飛萬壑雷兩崖中斷洞天閒一筇雙屨無人到  
留與題詩埽綠苔

山深無店可容車人家公然共一廬始信東坡流嶺表  
桄榔樹下伴花豬

剪得靈苗縷縷長筠籃倒掛荷鋤忙飛飛蝴蝶成團去  
爭戀衣邊藥草香

迢遞山程幾日周歸鞭還帶濕雲流弓衣閒却渾無事  
拘取花枝插竹兜

施州樂府十四章

杯中月 懷謫仙也

舉杯問月月不答月笑吾儕強作合太白雖然貶夜郎  
巫山遇赦回風檣平生足未到此地後人築亭亦多事  
不解先生觴月意先生詩意含未宣何年無月流長川  
何地無酒張廣筵千秋一鏡懸青天偶然飛落杯中圓  
未必詩人皆散仙未必酒人無古賢那得碧波萬頃開  
青蓮太白問月亭在城北碧波峯頂素娥弄影搖娟娟便欲招我乘觥  
觥笑指清江一勺同杯泉

道旁碑

思遺愛也

道旁無碑勝有碑燕石常向荆榛埋鴻文難覓星斗垂

不如鐫在人心傳萬口沒字碑名真不朽試看六鼈戴山成峴首譚公

蘭楣

先生

守施四載久貧畏人知廉吏後武

侯治蜀先治心陽明用箇如用手化民課吏自有真頓

令寒谷迴陽春江樓跨鶴去不返屏風畫像傳其神方

公籌邊固民氣民建生祠報公意觸公之怒立毀之斷碑久同瓦礫棄感公遇我非俗吏公沒爲公序遺事口

銜石闕不成字哭公尚未竟其志一腔血洒碑撲地

敲釘椎

嚴胥吏也

地棍與衙轄借端串詐鄉愚謂之敲釘椎

雷椎不向空中鑿坐視羣鬼相擊搏有聲琅琅釘鏗鏗受者不知何處落眼中刺腦後無鍼兒利忘害寸鐵

皆金一敲不中再敲中筆刀下手分輕重椎柄有人能運用釘長易拔椎大難收除弊要先自蠹始然後蠶藏其尾蠶埋頭不見斬釘慧劍懸吳鈎金剛飛杵碎髑髏

刦礮火

慎拘提也野處之民士姓十居八九差役拘提有被罷截者謂之刦礮火

刦礮火幸者在前挽者左十步矛于九步跋中有一人手帶鎖兩山夾礮聲喧扈亂石紛如冰雹來釋彼還家聽汝回汝不肯回同曳去磨墨伸紙提書據汝自縱逃官不恕役歸自官先受責官怒漆羨羨失色大索十日竟不得爲言陰礮不與陽礮同赤脚蠶婦頭飛蓬刦之不勝婦轉喜背負嬰孩擲地死汝命不能償我子吁嗟

乎胥役神奸本出奇遇此伎倆無所施苟非拘之不得  
法定有里甲爲把持欲滅其火風倒馳試看怒雷不作  
杲日時

雀穿屋

飭刀裕也

雀衣青青雀頂白自摩其角手加額從此有司當愛惜  
何況學官不我責公堂誤認雀兒窠甘爲旁人屈膝多  
難向空城求粒食慣從平地起風波一波未平一波起  
雀噪可憎雀自喜別有雀豹據雀巢羣雀畏之不敢抵  
檣烏幕燕共遨翔雀橋偷架平康里公然鷹搏吸鵝膏  
甚且鵝奔斷雞尾不思感帨早驚龍忘却整冠先礙李

羽毛自惜豈無人昂首相攻非得已始愁黃口入樊籠  
化作鶼鶼雙翼比豈知法網總難寬禡去鵠冠憑一紙  
我不張羅爾自投鴻飛難免弋人求平生不望騎環報  
拋却明珠彈不收

虎負嵎

翦土豪也

足不履虎尾手不搏虎鬚虎視眈眈方額顱居者避之  
行者不得趨官符飛檄獵戶拘火鎗藥弩發不虛乃有  
虎侵受役於虎爲虎愚先告以故同獻諛虎不出山方  
負嵎從來機發戒宣露誰令憑依險自固拘之太急或  
傷人故示獵人弛其捕人弛捕虎他顧雖有嵎不久據

大嘯一聲旋起去人力在上虎易馭兩頭木石扼要路  
虎欲奮身難却步其勢旣窮氣已怖壯士縛之如捉鬼  
從此甘心就刀鋸噫虎能役鬼終不能役人其力可恃  
其性不可馴奈何用之爲虎者假以翼而戕其身不見  
前山有虎作人語不幸下車遇周處阱中搖尾淚如雨  
投彼有北同腐鼠

捕魚兒

禁家賊也

老漁家住清江邊釣得江魚當酒錢魚不吞釣心悵悵  
捲起釣絲且張網潭深千丈山影浮山根露石骨難投  
豢得鷹入水底穿破玲瓏啄石髓雖有潛鱗能捕起

一鷹昂首翻層波先後啞尾如鶴鵝漁人拍手斂漁具  
來日斧皆載幾多豈知大魚先被鷹驅去小魚入喉鷹  
不吐忘機偶問閒鷗鷺鷗已飽飪不知處縱鷹容易收  
鷹難依舊江空石骨寒衆人參鳥都無用何不荒江守

釣竿

燙貓子

懲博徒也開場誘賭擇殷而噬之土語謂之燙貓子

燙貓子貓從何來見者喜有狸斑斑修其尾投之以魚  
甘且旨目光閃爍注盆裏露爪欣然來攫起請君入甕  
從此始梟盧么雉相角犄合圍大索防軼駛几上燭湯  
沸不止深入皮毛透肌髓竟欲鑿割登諸七始謂貓柔

甘帖耳繼聽貓鳴恨切齒反噬其手血染指狠貪狙詐  
伊胡底官械其人同縛豕輕則鞭箠重流徙貓亦僅存  
皮骨矣我聞劉裕人中豪千金一擲氣不撓所恃家無  
擔石輕鴻毛否則湯火之厄猶難逃乃笑如熊如虎終  
如貓

喫紅錢

糾流匪也 西北界連川省間有游民竄入土人號爲喫紅錢客

杖無懸腰無纏空張兩手分半邊合而爲一貫百千錢  
兄錢弟皆少年椎牛屠狗相摩肩散入鄉村聚市廛外  
之曰客拒且堅客來不速思醉眠其音半操蜀國絃每  
飯不飽飽以錢有如飛蚨來往空中旋風吹不散火爲

第十家牌成一索貫選得大錢經百鍊穿之入市萬人  
看鐵繩不斷銅錢爛

沽白酒平市價也

不平米價平酒價人笑長官酒力大平生麴蘖本無緣  
飲醇之交都屏謝施州土瘠山不腴所產稻穀只一隅  
肩挑背裹假人力出境尚喜無舟車運穀艱難運酒易  
販夫爭致千金利四鄉到處營糟邱但有酒池無米市  
米一斗酒五升值錢一千一百五十零貧人斷炊不一  
飽坐看囊橐大腹懸酒餅官如示禁到閭閻翻言販酒  
非販鹽官今替汝行酒令酒旗大書酒家姓價比尋常

十倍低不出三日酒槽罄酒槽罄飯甌開酒傭星散米  
販來

牛馬走載驕兵也

牛行上風馬下風本不相及難強從兵民雜處仍一體  
馭之有道持其中戍兵不受有司約民氣每爲兵所弱  
山頭細草青連天山外平疇綠滿川馬不在山偏在田  
田家見馬不敢鞭牧牛上山兵來牽官爲畫地示以鵠  
百夫之長奮爭逐驅馬上堂來就牧將軍者誰姑聽諸  
吾力還能制武夫叱咤先教馬驚逸策爾疲卒如疲驢  
縣官牧民不收馬明日牽牛過堂下公請擇於斯二者

鹿豕游 戒游女也

鹿求友豕求牡以類相從原有偶主之者誰聽之走春  
山澹宕雲起時草香蝴蝶飛遲遲豕如人立啼兼笑鹿  
比仙游縱不羈本無角逐徧馳騁游騎忘歸斷其綆蜀  
錦圍腰銀壓領野花滿頭紅不整刮地風吹失縱影我  
聞定豕者豈致鹿者由奈何放而不知求一任四疏流  
水無人收羊亡兔脫宜早計鹿柴豕柵非虛置束縛野  
性就拘繫否則獵人屠人享其利是在圉人牧人董其  
事

挖蕨根 憶窮黎也

客民買田起庄屋土娃典田懶耕牧田不能耕賣黃犢  
且向山頭種苞穀隔年苞穀苦陰寒瘴雨蠻烟蒸不熟  
穀不熟蕨頗肥賴有此物能療饑老稚腰鎌婦皆簍施  
人以竹編簍負於背上謂之背簍取其輕便也  
遙指西山比南畝青青不見蕨  
苗抽下有蕨根大如斗  
蕨根大者其苗細甚如枝鐵鋤葉蓬生則其根不能食矣  
鐵鋤斫斷絲纏纏山骨還凝土花厚輪囷大東帶雲歸杵響  
深宵搗茶臼漉以清泉澄盃中色白居然調雪藕冰霜  
歷盡春風來一日能儲三日糗還怕長苕密葉生根深  
難覓千金尋嗚呼蕨根挖盡石亦枯那得磽而成膏腴  
官苦尚有蘖可茹民苦併無蕨可鋤命根當問蕨有無

采藥苗

決疑獄也

采藥休采霜柔桑葉上有寄生和淚結采藥休采雲茯苓  
中有琥珀血點凝山高種藥如種麻山空采藥同采茶  
楊唐兩姓蕪蘿附夫向山中采藥去去而不返婦迹之  
水流花開不知處同時采藥問兒曹但有遺衣藥裹包  
鋤香籃小求不得人言或被虎狼食事隔經年始控官  
牽連火伴總無端藥名藥性有誰識包裹曾經李甲看  
火符飛檄先拘李供認藥苗鬼喇子能愈頭風痛卽止  
產向落圈崖洞裏乃查藥譜並無此試之不驗得之矣  
匹馬竟踏山雲空崖深無底藏蛟龍長繩下縛三百丈

觸體戴石穿玲瓏皮肉盡消穢履在洞中無藥生蒿蓬  
百夫挽繩轉轆轤健者負骸出深谷此間猿鳥聲寂然  
誰見靈苗一叢綠自崖不返非無因李花斷送楊花撲  
再三窮詰詞不虛李覓唐艾稔楊愚誘彼前行藤絡臂  
懸崖撒手戕其軀鴉衣拋向路岐去要使人言死道途  
楊貧難守訟終止再通媒妁偕鯛魚蛇心蝎尾毒至此  
置之重法難稽誅夜窗忽聞山鬼笑女蘿薜荔藥所無

題雪山樓閣圖三首

同雲釀得雪花麤摩詰詩情入畫無自是老蓮臨粉本  
天梯石棧不模糊圖爲陳小峯所作洵妙筆也

一角山爐樹杪懸冬心獨抱倚雲邊消寒盼到香醪熟  
那得旗亭抱甕眠

清江月照畫屏開

畫成於清江月照之室

雪嶺千層墨一堆中有

猿聲啼不住可曾寫入蜀山來

雪嶺在清江以西卽縣志所載猿啼山也

爲春農題紅杏枝頭春意鬧畫扇

宰官不是看花客花時羞上長安陌偶隨花片落蠻烟  
花與主人空自惜此花難得士齊名我向花前見褚生  
石穀無梯題塔鴈瓊林有樹轉宮鶯荷鋤便向河陽種  
桃李紛紛非伯仲小峯點筆寫雲山白頭還說春明夢  
生花之管浣花箋詠花人與花同年

生賦杏花詩甚佳

他時飽

春宴扇底紅香掛王鞭

奉和郡伯佟鏡塘先生見示二首

公才高北斗地望重西清奪席談經富持衡選士明奉

命典試分校禮闈得人最盛

師門鸞鳳噦

辛酉會試出霽園師之門官海鷺鷗盟公案無留牘課使以實雨暘

按部風行草宣猷實副名

心行實政不尚虛聲

雨暘

消瘴氣鋒鏑靖邊聲爲採荆山璞還披楚澤蘅薪炳同

刻玉桃李荷投瓊

公課諸生於南郡書院講明正學娓娓不倦仍隨時試以詩文勉教根庶

必示之以鵠居然士氣一新

仙手狂瀾障秋心老氣橫受知慚薦鷗

佈澤息奔鯨許聽華鐘奏何須扣始鳴

月問杯中白風揚袖底清一篇珠咳唾五字錦光明特

地分牙惠長城執耳盟召棠今小憇仙李舊齊名綵筆  
含春氣纏箋寫夏聲宮花移苑樹階草擷湘蘅源豈流  
三峽丹能轉八瓊心香銅鉢付指法玉琴橫矯若凌霄  
鶴雄於掣海鯨語外蟲唧唧難和嶰筒鳴

附原作

鴻江 佟景文 鏡塘

文字因緣重神仙品地清指薪傳不盡心鏡湛然明  
鼈極新聯社龍門舊主盟彈琴聊借手 賜綺早知  
名石漱雲爲波江吟月有聲好風懷菉竹香草擷芳  
蘅曰斐初裁錦惟良必報瓊絃歌三雅小未舞一經  
橫枳棘朝翔鳳滄溟夜起鯨飛鳬近臺閣側耳聽和

鳴

元庭侍郎饋人榦賦此誌感

識公卅載前公年未三十勸我讀道書格格不相入公持養生論於藥本無涉公心沃靈苗灌漑日融洽公身調元氣吐納任呼吸前年見公時丹砂駐雙頰招我飯胡麻蔬筍味和翕我年少於公衰態形踳蹀贈我珊瑚枝喜同瑤草拾欲報無瓊琚珍藏歷贊焚燭來兩寒暑貽書重惠及紅箋纖紫闌三絃展五葉香從鼻觀參露向舌根裏念我投窮荒辱軀當補攝我生賤目負侵貴非我挾上交先自慚敢望慈波浥譬如瓦釜塵酒以金

壺汁投之未必效效且虞不給公今督八州一塋太倉  
粒蒼生胥待命壽人情孔急生機方寸萌宇內已淪浹  
願同佛國蓮長捧堯厨薏我非槁木心感公恩誼登琅  
兒世守之來書垂問頃兒並分賜之金丹寶什襲

楊甫書來問訊賦此答之

君今六十一我亦五十六未必少壯時此身甘屈伏與  
君同里門卅載非碌碌許我張一軍敢望後塵逐長安  
人海中一例困塲屋君方傲貴游豈肯薄祿途窮始  
賣文才大不諧俗我思采蘿蕪君已棄苜蓿歸耕楞伽  
山門對石湖深集成淵雅堂早看萬人讀老筆寫漚波

墨琴楷本縮有子且抱孫俛仰能自足何必求頑仙卽此亨貞福巍然魯靈光侍郎匠輪斲謂小嶺山人詩境晚逾

日疑義共商確千秋得兩賢坡公友山谷相待十年餘

後集刊行續標材非棗梨生墳且遲築來書云標材已

成惟淵雅續集未刊耳嗟余墮蠻烟偏逢瘴癟酷此心等羣議宛

轉向誰告忍寒薰藥苗療饑噉苞穀有時託嘯歌雜入

山鬼哭方知李青蓮當年赦書速若久留夜郎江月何

須捉悠悠歷星霜棄置同槁木所憇入山深堆案勘留

牘三載當黜陟書考無榮辱長官憫投荒隨輩一推轂

行當上長安春糧無隔宿求退轉未能先後羽書促蛾

眉生入關誰肯千金贖因思陶先生去來遂所欲當其  
赴官時琴書先已束寧待秋風生眷懷三徑菊我年少  
於君齒豁頭已禿阿琅十四齡課之尚逃塾料難守縹  
緲遑復計餧粥萬事不如君立言更殷歎捧來雙鯉魚  
垂老情愈篤纏綿桑寄生青天舉黃鵠書從儕嶠太守寄來偶作  
楚中游爲我唾珠玉君書所未詳見聞皆手錄近在二  
千里相逢且未卜何況阻關河抽帆難轉輶他時握手  
緣那能斷諸獨報君五字詩老淚滴殘燭

病瘡

清濁不分渡乃乘山澤不通瘡乃凝非烟非霧非雲蒸

晦暝風雨寒暑之氣相合并沾衣四時淚點零看花一  
霎迷雙睛毒流濫觴惡木蔭千變萬狀不知何所憑有  
時鬼豆撒不停擊之啾啾雜鳥嚶有時仙草香自呈觸  
之隱隱聞蠅腥天梯石棧路杳冥役夫相失喚不膺馬  
駛愁避郎當鈴臨深履薄同戰兢中人速於蠱易形壯  
者腹果腰可勝弱者頭重肩難承我不飲酒醉不醒無  
眠日伴長明燈此身何敢更自惜逕旅當倣龍陽丞從  
者先後埋白骨蠻方妄說醫巫靈從人先後病且死其一垂死而歸者幸而獲免老妻扶床兒奉杖臥如蝟縮行癡蠅覩此倍覺心怦  
怦那得杲杲白日空中升陰霾散盡浮雲青仰天大笑

病者興不見子章觸體之詩鞭雷霆

山中岑寂偶檢張幽原大使

廷弼月湖泛舟詩

讀之愛其風調率和六章奉寄

莫問成連海上航行琴拋却水蒼茫多情祇有江潭柳

搖落依然戀漢陽

傍成樓閣結僧庵花氣濃重酒氣酣一樣雨絲風片裏  
不曾山色借江南

桃花廟裏樹婆娑細檢殘碑感逝波此日名花都解語  
豔情不比怨情多

水榭風廊客品茶舞衫歌扇撥琵琶如何簾鼓秋燈夜

不送江萍祇送瓜

寓鶴園鄰大別山水樓一角寫煙鬟涼篷夢到橋灣泊  
紅藕香銷靜閉關

吾弟崑漁曾葺都園以止余名之曰寓鶴自余入山而園亦久荒蕪矣

六章雅曲胎漁父三影風流按水仙寄語郎官湖畔月

要移花影上吟肩

乙亥八月十七日載酒奎星閣中招王生

家筠

尹生

其璋

羅生

成章

周生

炳先

褚生

上林

田生

岱雲

賴生

朝陽

小集金粟花前得長律二首

珠簾捲雨洗山容粉壁丹梯影幾重鈴靜喜無僧怖鷦  
樓高雅稱士登龍停杯問月三年滯下筆凌雲七子從

要寫南州秋色好露華染到十分濃

文章氣節一身肩當代歐公絳帳懸

郡伯佟鏡塘先生代主南郡舉比以

實學砥行謀士故諸君皆遠器識

退院不曾離講席

余雖卸縣事如退院明僧以曾攝監

院事仍按散衙可許借賓筵與諸君相約來秋

預行賓興之禮

佛心尚

有空柔戀仙掌從無妙藥傳我去夜郎仍自大飽看嘉

### 樹長風煙

附和作

恩施王家筠滋圃

猶是談經奪席容眼光秋色氣千重閒情雅愛琴隨  
鶴法曲遙聽笛引龍北郭少年邀器識南樓老子許  
追從登臨正值催詩雨飽蘸天香筆露濃

高寒詩骨聳吟肩何止文章北斗懸四境棠陰雲結  
舍三秋桂影月當筵難攀丹轂同梯遠敢向朱衣借  
鉢傳今日香名天上記雙鳬飛去便凌烟

恩施尹其璋禮南

四圍山色寫秋容奎斗光臨第一重此地高寒宜跨  
鶴幾人聲價許攀龍振衣頂上金鼇冠搖筆毫端玉  
兔從幸踵後塵蓮步進憑欄指點桂香濃

此日登樓笑拍肩樓頭四面彩雲懸雲中咳唾生珠  
玉雨後香光泛凡筵金粟前身參妙相青蓮雅曲得  
真傳南州高會留佳話醉墨淋漓氣吐烟

湘潭 羅成章 梵廷

面面山容帶雨容金鼇頂上翠雲重欲登月窟追飛  
兔先向天衢看躍龍芒屬相親千里遠辦香共祝七  
人從南陵此日尊開處料得花濃酒亦濃

梯雲先後共摩肩滿目秋光樹杪懸邀笛最宜風出  
袖張燈不借月開筵台星好並文星照匠手還憑畫  
手傳鴻去欣然留爪印墨痕掃却夜郎煙

恩施周炳先 星橋

洗到秋山雨後容登梯直上最高重樓無暑氣能留  
鶴樹引風聲欲化龍分得清香誰管領拈來佳韻謝

宿從一襟涼露涓涓滴吹落枝頭桂子濃

先生雅愛聾詩肩珠玉頻霏顆顆懸此日斲輪恨玉  
斧幾人懷筆侍瓊筵冠山力弱輸釐載閣在楚書壁  
脊峯頂

詩成待雁傳遙擬來秋重秦杖木犀影拂鄂江烟

恩施褚上林春農

叔枏老桂鬱秋容上出丹霄第幾重飛閣倚山雄馭  
象閣踞鼇脊峯頂背枕象山之麓環城帶水曲蟠龍蟠龍溪見邑志當頭有  
月停杯問附尾何人侍筆從欲識先生題壁句金盤  
頂上墨花濃

共上雲梯笑拍肩謂諸同人選樓高並玉壺懸掞天才氣

凌霄斗研地狂歌出綺筵亦有心香同桂馥斷難手  
筆副薪傳明年黃鵠樓中會吹簫重唸鄂渚烟

恩施 田岱雲 作霖

玉樹煙含帶雨容秋光一抹影重重振衣此地來攜  
鵠破壁何人看畫龍樓上三層憑汲取引香分兩袖喜  
追從欄杆自有天香拂不比尋常露氣濃

幾度循牆止及肩登臨不見月初懸丹黃一樹歸詩  
筆蒼翠千山撲酒筵悟到妙香參鼻觀敢忘嘉植附  
心傳戴筐同看光芒燭掃盡南州百里烟

恩施 賴朝陽 丹鳴

鼈山鷺嶺大包容也抵滄洲一萬重閣外天香幡引  
鹿尊前人影筆雕龍斲輪匠氏裁成妙推轂門生少  
長從料得朱衣先點首墨華更比露華濃

後塵敢望齒隨肩七字驪珠百顆懸秋色平分星入  
座古香圓結月張筵由來丹桂三生籍澈底清江萬  
口傳便擬勒碑鼈脊負瘴雲消盡藹爐煙

賜綺堂集卷十三詩目

出施州四首

蕭壽山都督聞余將抵宜昌爲雪所阻遣軍校  
迎至長陽衛行得以出險南衙飲餞匆匆拙別  
仍送至郭門外十里之寶塲灣賦呈四首誌感  
余旣譜清江詞五十章若香作長歌以敘其事  
依韻答之

偕若香北行卽用途中寄鄂城諸友原韻二首  
過許昌憩草店廟一飯見壁間自同里韓桂船  
尚書留題後和者紛紛所謂明遠雲深兩道士

者皆不得見因次元韻二首示茗香

鄴中謁韓魏公故里二首

邯鄲道中題壁

荆軻故里

宿金台驛晚發止北河五律四首

都門重謁鮑覺生先生卽依漢江留別原韻賦  
呈長律四首

程玉樵吏部德潤贈詩四首依韻和之

張長溪舍人履恆十六年前所薦士也以余來  
至京師晨夕過從喜而賦此

題周春泉孝廉人龍種樹山房詩卷

題秦鳶門柑酒聽鶯圖

友人吳向藜述其尊甫貫翁遺言以畫像求題  
余感其意爲賦五律二首

范汎谷刺史繼昌以所輯竹山縣志見示題長

歌一首

呈臬使周衣谷先生六首

奉酬百泉陳丈用余題竹西松風老屋詩集二  
律原韻卽馳寄章門幕府

奉題怡庵觀察蟠桃畫幛二首

怡庵觀察又以蟠桃畫扇屬題

學使朱詠齋先生賜題拙稿卽次元韻奉酬二

首

陳玉山太守書法力追古人踵門求書者日不暇給其所書皆拙集中舊作又以素冊徵書近作之未付鋟劂者旣錄稿以應並賦長律二首書之冊尾以誌一時翰墨之緣

題葛書田中流放棹圖

胡果亭觀察以白蓮畫扇屬題七絕四首

題白蓮畫扇爲怡庵觀察賦

寶松溪明府欲峻以旅懷二首見示次韻奉酬  
偕嘯崖明府偶步湖隄小飲澄心花榭兼懷竹  
西明府

玉山太守以團紗畫扇乞題三首

奉檄隨同趙虛舟郡伯查勘江州隄口事竣占  
呈長律二首

丙子長至日王右圃明府招同彭秋舫黃嘯崖  
李東觀楊固堂石赤霞吉蘚畦椿繩山諸君之  
同官楚北者集友于堂爲甲寅同年團拜而強  
余濫觴其間是引鬢爲同調也主人卽席賦詩

二章因亦忻然和之以誌一時觴詠之雅

賜綺堂集卷十三

吳苑 詹應印 鱗飛

詩

出施州四首

前車去已遙後車不得走尚未辭長官何敢別僚友  
觀者已塞途摩肩招以手揮之不肯散長跽捧尊酒酒是  
淚釀成勸公吸一口行行至郭門十步九回首黃塵生  
馬頭哭聲震林藪平生鐵石心遇此顏孔厚下車前致  
詞在官事事負出山終入山吾年未衰朽

出郭三十里解裝蓮花池行厨與行館供頓誰爲施婦

孺久延佇迎門何嬉嬉爲言半日程履險如平夷筍輿  
上林杪田夫爭護持盤飧具雞黍乾餽裹箬皮束炬照  
鑿簾燐燐竹懸松枝攀童手擊鼓跳躑聲歌驪此行蜀道  
易善禱非媚詞如何到官日入境無人知

三宿度紅崖曉發崔家灘故吏揖道旁湯黎青巡檢強余行  
李鉤入室羅酒漿埽榻風葉下贈言壓征鞍值比連城  
價歸裝兩袖雲重與熏蘭麝黃繩齋尹魯少軼羣才老境  
如噉蔗同官有三益各騁飛黃駕官卑不自卑民物無  
小大年來雞犬馴漸見雀鼠化我所未設施公等力能

借

胥徒十數輩百結衣懸鹑出山一萬重足繭雞皮皴堅  
冰挂絕壁爲我捫荆榛積雪漏朝曠爲我牽車輪張棚  
幕以布執爨求其薪風餐與露宿忻然忘苦辛因思在  
官久鞭朴加汝身縱然施小惠老筆難生春奈何弗忍  
去欲語還逡巡彼都有人士遠送江之濱

蕭壽山都督聞余將抵宜昌爲雪所阻遣軍校  
迎至長陽衛行得以出險南衙飲餞匆匆揖別  
仍追送郭門外十里之寶塔灣賦呈四首誌感  
除是風雲一線通此身無翼度蠶叢軍符更比雷車迅  
飛出冰山雪窖中

健兒快馬溯當年  
褒鄂勳名萬口傳  
要按西涼新樂府

征袍爲我洗蠻烟

破廟焚詩敢乞靈

十年前過當陽夜宿張桓侯廟中夢賦長律一首爲桓侯擊賞醉而以所

刻詩集焚之繪圖以記其事

淋漓醉墨寫雲屏  
生平文字眞知己

過荆南拜將星

施南戍兵一千五百餘名以協鎮領之隸公麾下公巡邊所至折節下交故自

公鎮宜施州兵民無互控者公又自言不文酷好余翰

墨征塵未揣早磨墨伸紙以待矣按宜昌與當陽皆古南郡故云

旗門月落徹燔羊追送津亭燭兩行同聽塔鈴鳴咽語  
倒流三峽溯長陽

余旣譜清江詞五十章若香作長歌以敘其事

依韻答之

我從哥羅驛中聞竹枝夢攜玉女游湯池謫仙蹤跡所  
到處兩年漢東遷南離二千里外荆棘披蠻方風土非  
燒漓雪山萬仞升紅曠生來訪我如探驪劍光跳虎筆  
走螭壯哉一軍誇鷗兒櫂歌翻出絕妙詞生有清江櫂  
歌余詞乃廣其意爲之是生妙手穿就珠無遺南豐太守飛騎馳譚蘭楣  
生入山卽飛騎  
相邀索詩者再  
先生聞延生高坐俗士喧難得客星仙月同此  
時先生禿管空把持如以瘦骨偎豐肌剪裁新綠囊君  
詩生新綠山房稿  
成乞余點定敢云被之絃管聲恬熙轄軒不錄柔  
靡辭狡猶伎倆無所施且喜仙才鬼才生擅奇投我此

歌情爲移豈知老女畫眉原非宜此五十章當付江淵  
酒釀成濁醪傾一巵否則光明之燈懸琉璃燒出獨蘭  
仍抽絲懾除前言未必遲更歷山巔尋水湄洗却淚眼  
開笑願當年舉杯問月月不知那得青蓮重起張鼓旗  
只有江花江草含青姿竹王木客匪我思空中半賴驚  
且咍吹入癡雲瘴霧誰聞之想當然耳言誰歎此詩不  
能傳信空傳疑

偕若香北行卽用途中寄鄂城諸友原韻二首

細雨輕塵驛路平山家爆竹送春聲渾忘歲序同荆楚  
雅稱才名入洛京若香於此時入都補應廷試出谷早鶯催曉夢問

途老馬戒宵行白頭還受吳公薦莫道三年尚未鳴

生方

服吟

短衣長劍望離亭心似雙輪那得停宦轍敢勞仙叱馭  
舉揚爭看佛名經生與春農相約仍赴鄉闈橋霜店月詩難和街柝  
車鈴酒易醒差勝樊陵成獨往峽猿啼徧萬山青生曾單騎就余施州往返四千餘里

附丙子新正隨侍湘亭師計車入都王君懷豐

士昌

褚君春農上林遠送江干別後却寄二首

閔

新茗香

程門雪立萬山平入耳絃歌隔歲聲且喜雙鳬飛漢

諸要隨兩馬適周京留傳衣鉢沿途託料理琴書執  
御行先著一鞭輸祖逖枉教起舞聽雞鳴

那堪折柳到旗亭我亦驅車去不停從此分襟成別  
賦豈真奪席羨明經春風推轂征程暖孤月橫憇旅  
夢醒回首漢江烟樹裏夜堂誰伴一燈青

遇許昌憩草店廟一飯見壁間自同里韓桂船  
尚書留題後和者紛紛所謂明遠雲深兩道士  
者皆不得見因次元韻二首元苦香

紅塵到此遠通津莫問仙緣與佛因墨瀋香畱同印爪  
雨霖望重敢抽身松關不掩難投宿茆屋無多自買春

今日尚書頭早白明經說與後來人

相繼尚書曰  
拔萃登朝

關山誰與指迷津輪鉞消磨未了因俗客難謀方士面  
才人休現宰官身黃梁未續前生夢丹竈能回幾度春  
似我拈蒙題店壁枉教草草笑勞人

附  
同作

閔

新

梅花引我問前津七字瞻韓也夙因車望後塵難學  
步樓憑上界許飛身清風作誦紗籠壁法雨隨時座  
入春還問此公登眺去仙山絕頂更何人

鄴中謁韓魏公故里二首

鄴中遺跡渺難尋漳水東流自古今將相從來爭晚節

爲愛黃花晚節  
香魏公句也

英雄無奈負初心

魏武未得志之前尚不失英雄面目

陵衰草臺空築南郭殘碑土未侵天與忠奸區畫定魏

公前後費沉吟

兩朝國木一身肩坐論從容急所先自有棟梁支大厦  
并無木石記平泉耆英屈指居前席潞澤同心列後賢  
留與千秋作憑弔荒莊誰守范家田

附同作

閔新

無權無黨祇孤忠文富還宜拜下風一范齊名寒賊  
瞻兩朝顧命託臣躬賢才汲引者英曾儲貳分明社  
稷功莫道門牆高百尺勒碑許我識韓公

邯鄲道中題壁

平原極目莽蒿萊有酒難澆土一坯修到神仙還說夢  
嫁從廝養尙憐才美人公子都陳迹複壁連城也劫灰  
輸鐵消磨空自笑白頭學步我重來

荆軻故里

圖窮七見血沾襦不比留侯客易通暨子那堪供臂指  
先生枉自送頭顱謂田光百金求劍非生刲一諾捐軀亦  
酒徒千古悲涼歌易水美人車跡竟荒蕪

宿金台驛曉發止北河五律四首

十度金台下誰憐駿氣消此身甘伏櫪吾鄙正揚鞭古

驛偏依郭平津不架橋道傍官柳禿輸我髮蕭蕭

北河投轄處當日水瀰漫破壁尋遺墨殘燈促晚餐馬頭花影散驢齒草聲乾明發燕山近風雲洗眼看

欹枕難成夢聞雞坐向晨計車同少日傳舍到中春

二十一

年前公車屢上皆以中春之月北行

差免胥行役

辛未十月轉餉十萬兩入都自安肅至良鄉沿

途驛駕遲至日晡始應宵行達旦幸保無虞今猶不免有履霜之懼

還憐露宿人

從人宿車中

吾衰欣有託何敢厭風塵

聯轡忘羈旅登程戒僕天亂山嘶月小遠樹漏星孤得

句車鈴和消寒市酒沽着鞭期努力芳訊問前途

都門重謁鮑覺生先生卽依漢江留別原韻賦

呈長律四首

三載輶車去鄖城至今歌頌溢江聲身如鸞鶴翹翔倦  
眼看雞蟲得失輕松柏從來爭晚節見公所作歲寒松柏制藝藿葵

非爲戀朝榮臣門證到心如水祇畏人知澈底清

五千里外起居疎笑語親承退食餘閉戶不嫌雙鳥納  
典衣還覓百城儲斷無黑白清心鏡自有丹黃曬腹書  
靜寄高齋塵不到以靜寄名其軒公懷磊落本淵如

就論水範與山模鯉對叨陪氣誼孚忠孝文章家法守  
酸醕嗜好俗情殊謂子堅公子萬花飛舞才人筆八陣森嚴  
上將符執卷高吟同拍案竟忘宵漏促銅壺

蒼茫塵海總無憑知已難酬信有徵鳴鳳不爭風上下  
策駕敢望氣飛騰公序拙詩云昔之才子今也循吏彌滋感愧矣雲移遠岫光  
仍戀時將出都月近中天皎自澄莫爲白頭憐故吏願將心

跡證壘冰

程玉樵吏部德潤贈詩四首依韻和之

十五年前總角時一軍旗鼓冠雄師宰官早識神童字  
評事王酬吏部詩玉樵總角時有神童之目余宰天門識之按昌黎有贈崔評事詩豈  
但文章追雅頌能全道誼化澆漓知君架上凌雲筆愛  
向風前寫折枝

鳳闕雙盤紫氣臨可容飛鳥入雲深渾忘佇立雞籌曉

忽訝相逢鶴蓋陰  
卓異人貴例由考功司帶領引見不期與玉樵相遇於宮門之外  
一霎搏風揩老眼  
三生笑月證初心  
十年前世遇竟陵玉樵曾和余笑月

廢題

琴聲久已拋塵海  
敢向仙山索賞音

含香入侍拜恩榮  
御墨親題列宿名

當代賢才升

畫省幾人黜陟係蒼生  
頭銜愧我書金鑑  
心跡懇君指  
玉衡回首岳江鷗鷺泊  
好春盼到上林鶯  
玉樵向受業於馬生小竇

蓋余辛酉分房所薦士久不赴公車矣

佳篇七字協商宮便擬花前按  
小紅此地高歌難和雪  
吾儕到處願揚風升車轉惜跛行鼈投刺頻憐息影鴻  
眞意纏綿滋感愧臨岐翻恨馬蹄多

附原作

程德潤

王樵

憶昔從游繹帳時，主持風雅屬吾師。  
聲名洛下三都賦，著作吳中一卷詩。  
譜就新詞偏博麗，揮來大筆更淋漓。  
韓門高弟如林立，也許鷓鴣占小枝。

竟陵攝篆吉星臨，當日攀轅佩德深。  
野勸農桑能美俗，城栽桃李漸成陰。  
難容吏蠹除苛法，不忍民魚見苦心。  
留得堤邊碑碣在，蘇公白傅有同音。

壬戌邑中  
大水先生

險強築堤得不消  
里人爲立石堤上

讀書原不羨浮榮，錯使顏標浪得名。  
敢詡文章韓吏部，難忘絃誦魯諸生。  
惟公治法如風草，勗我臣心比冰

鑒衡報最三年登上考相逢花下聽

宮鶯

溫綸畫捧出

乾宮兒鳥雙飛趁軟紅却憶十年逢

舊雨重教一月坐春風關心雲樹停征騎過眼烟花  
付塞鴻拚得辦香常供奉津亭別酒又匆匆

張長溪舍人

履恒

十六年前所薦士也以余來

至京師晨夕過從喜而賦此

一榜兩副車皆吾門下士當年網得之才筆驚主試

辛酉

楚闈一榜以副貢額薦者只生與家楚望兩名同出吾門而楚望又與余戊申同年

楚望苦研經

博聞多強識閉門授生徒公車艱一第奇窮無計送老  
病先謝世生能張我軍堂堂樹赤幟行文用古法大醇

而後肆再戰捷南宮三策見經濟謂當冠鼈山職居清  
要地豈徒染鳳池謫爲香案吏生今官舍人毋乃爲我  
計縣尹博誥身遭逢良不易煌煌恩旨頒加級准卓  
異細懷先大夫幽光泉壤貢制草出閣中感極自流  
涕生爲濡筆書五花備職志神凝告心嚴莊寫有真意  
薇客各樽豪難得通家証城南貴此散直卽停轡檢  
我囊中詩千金一帚敝雖然牛腰屨不抵鳳毛細吾年  
已漸衰弄墨偶游戲生方干青雲校讎讀申秘苟得所  
設施一一見諸事壯夫慎勿爲雕蟲乃小技

題周春泉孝廉人龍種樹山房詩卷

我泛郎官湖未登孝廉船聞有徐茂才

應標

結鄰近市

壓舍弟與之游所至襟袖聯弟亦好詠詩君手加丹鉛

我始耳君名喜弟交兩賢君偕徐君來訪我江帆懸近

復見君詩驪珠百顆圓清才一何綺下筆情纏綿贈我

以長律七字彌秋絃所嗟彩筆秃冗坐如枯禪

贈余詩有孤琴

調古如音少老樹生花著色新之句君方種嘉樹百尺凌風煙根深葉自

茂華實能相宣詩心先立骨剪去枝連拳抱此松柏姿

不同桃李妍他日登明堂鏘奏青雲篇

題秦鶯門柑酒聽鶯圖

小試名駒氣不驕緩尋芳草趣偏饒酒懷北郭同南郭

詩思長橋更短橋人柳折腰如拱揖佛柑攜手恰相招  
鶯聲似勸銀鞍住莫逐風花萬里遙

友人吳向黎述其尊甫貫翁遺言以畫像求題

余感其意爲賦五律二首

得見先生而能令死者生

翁精於醫理所著有醫署一書行世

一編真濟

世三折舊知名貌是餐霞古心如砥石平金丹從可乞  
何處訪蓬瀛

李子傳家法論交憶昔年黎光能照夜劍氣欲凌烟妙  
蘊蒙端吐奇方附後懸識公圖畫裏一語感纏綿

范汧谷刺史繩昌以所輯竹山縣志見示題長

歌一首

君官上庸家上虞希文後人德不孤留有兵甲十萬備  
左手執筆右彎弧淋漓墨瀋誠血濡釐爲竹山縣志十  
卷書功成宦成名不居書成攻鏡得失窮鑄銖殫竭心  
力讎魯魚要令籌邊善後言無虛見者莫不疑其迂豈  
知君非儒者近於儒指諸賓事綽有餘吾聞楚西賊擾  
彈丸區將軍者約君下車君從秦隴馳雙鳬入城瓦礫  
埋榛蕪官無廨舍民無廬君方露處奮臂呼能鼓士氣  
爭先驅抽刀屠賊無完膚喊衆蛭潰同散帙出奇設伏  
勦撫俱焚橋截流轉舳艤毒龍胥濟浮甕蛆謂逆匪蒲  
詔周諸縣

匪溺木爪坪砦虎負嵎驚電驟雨啞枚趨君履虎尾將死

虎搘齧割虎子梟其顱墮蕩虎穴虎伏誅謂逆匪莫仁  
樊逆亦謂樊崇也妻被磔

兵行先事急所需唱籌三路供挽輸大軍所至毋徐徐遂令封狼野豕咸就俘漢中安堵民氣舒從此白蓮不敢窺邊隅大吏入告

帝曰俞晉階刺史冰銜除花翎拜 賜恩遇殊載諸國  
史信不誣何用吾儕搖筆傳令譽書生枉綰赤緊符倉猝遇變形趙趙空張兩手瞋兩臚否則氣矜心動計慮  
巔非有定力籌難紓君迺從容播政忘勤劬先繕城郭  
疏河渠次建學校招生徒剪刦荆棘施犁鋤其時鄰境

方援枹百廢具舉謫於塗君擦何術而得諸我願官斯  
土者爲寫破竹補竹圃摩勒上石作楷撫山石不爛竹  
不枯盤根錯節凌霄扶肖君之頤清且灑比君之心久  
弗渝此君何可一日無吁嗟乎范大夫

旱渠使周衣谷先生六首

獬冠豸繡珥金貂翠羽承 恩出絳霄分陝功臣同召  
伯有虞才子數咎繇洗冤世守濂溪法詠澤人觀靜海  
潮怪底臣心原似水問津家住直沽遙

蓬萊宮闕朵雲紅

輦下才名冠海東

召試舉人供奉

廷

司馬賦追周魯頌歐陽文有廟堂風書讎中秘牙

籤當詩寫邊聲手筆工殿上鄒枚應俛首輸公環甲挽

雕弓

公經畫西陲先事籌邊勦平陝匪因而上結主知特拜花翎之賜

雙絕牙璋播政餘兼權方伯令行嚴肅氣溫舒下車訟獄歸  
清簡按部供張力屏除鏡照秦臺銷吏蠶網開楚澤拯  
民魚漢之廣矣江之永可比公懷萬頃如

錚錚風骨自嶙峋力砥中流柱石臣元相曾膺廉訪使  
寇公先現宰官身佛來西域香生袖人望南樓月滿輪  
看到凌霄松柏健節花迸放十分春

漢南草木係蒼生三載風揚楚甸清自有盡誠酬

主眷更無疑獄質神明重新郡廟自書楹帖有  
遠將信歎贊神明之語香凝燕

寢牙幢擁績展烏臺  
肺石平擬借江樓一枝  
遂與歌吹徵萬家聲

輪臺多生有夙緣

出書爲公所賞許行草白事故云

愧無才調感公憐

難飛鳬鳥終凡骨  
遲傍龍門悔昔年裹足不嫌腰版倦

門心終愧口碑傳

蒙采及官聲

與江漢兩中丞矣名深鵠虛名忝荷此

公薦疲駕還思奮一鞭

奉酬百泉陳丈用余題竹西松風老屋詩集二律原韻卽馳寄章門幕府

生花老筆總無枝百尺樓中七字詩驚座才名傾  
將相斷輪妙手遇工師世年丹轂抽簪早千里青山放棹遲

更與東南耆舊約水天涼話聽彈絲

掌上金丹九轉深自繙仙曲譜瑤琴軍門鼓角風生檄

商婦琵琶月滿襟

來書云維舟溢浦者三日

似爲泥塗憐後輩

聞余

非善地爲之太息

不膺方鎮遂初心二千石已傳家法

令子玉山郡伯

好對南山抱膝吟

奉題怡菴觀察蟠桃畫幃二首

不染穠華上畫屏須知果熟比丹靈當年臣朔曾懷核  
又向南臺伴歲星

珊瑚倒挂夜珠光九朵雲紅葉底藏寫到高枝都結子  
蟠根留放節花香

怡菴觀察又以蟠桃畫扇屬題

此果仙家證佛家徐熙妙手染丹砂從今出入公懷袖  
仁者風揚益壽花

學使朱詠齋先生賜題拙稿卽次元韻奉酬二

首

三年持節

主恩酬公望中朝第一流種樹心同江漢濯探花身駕  
鳳麟游力排曲學遵周道

見公所著闡邪說論

提唱元音變楚謳

今日天南筐斗戴口碑林立冠鰲頭

公按邵施南鷗廩以資南郡書院膏火按舊峯在

施州郡城

自慚頭白尙爲郎

公詩有誰知冰雪盈懷袖手版頻簿持已白頭之句讀之感而思奮

簿

領浮沉業就荒學畫蛾眉嫌筆禿難騰

塞足渢旬未入謁時

書垂問故云公嘸下士成佳士更憇蠻鄉卽故鄉

余承乏恩施已五年矣塵土滿襟詩一卷敢邀拂拭許登堂

陳玉山太守書法力追古人踵門求書者日不

暇給其所書皆拙集中舊作又以素冊徵書近

作之未付鍥劂者旣錄稿以應並賦長律二首

書之冊尾以誌一時翰墨之緣

綠水園中墨一池憑公濡染氣淋漓豈知鐵畫銀鈎字  
慣寫郊寒島瘦詩基局何曾分冷暖律筒從此判雄雌

專城才望長城句擬繡平原五色絲

似憐腰版久消沉偏注狂名博賞音百尺櫓高容納履  
五花筆老許題襟團紗妙借丹青手以團扇見贈獨蘭空抽  
午夜心堪笑龐官才早盡尚勞拂拭到焦琴

題葛書田中流放棹圖

難得中流自在行不帆不檝一舟輕斷無弱水三山夢  
會有長風萬里情書田新鵠卓薦釣客烏篷同鳶鳥僊家丹竈  
寄蓬瀛披襟穩向船唇坐譜入銅琶鐵板聲

胡果亭觀察以白蓮畫扇屬題七絕四首

霜豪誰寫妙蓮香換却紅衣照水粧天許家聲守清白

玉盤擎出夜珠光

豸繡名高六察中歲時荆楚早宣風釀花紡績分甘苦  
要補幽風畫草蟲

油幢開處幙生雲中有清香我佛聞到此塵襟都洗盡  
不須揮麈却炎氛

夢落江湖二十秋臺叅可許上蓮舟揚風出入公懷袖  
願學蟲吟傍扇頭

題白蓮畫扇爲怡菴觀察賦

徐熙妙手老布衣畫花能語蟲能飛遙天無雲日卓午  
香風一縷浮魚磯妙蓮兩朵淨無比出自臣心生舌底

不染紅衣伴釣師，露盤擎到銀潢水。  
宋出  
覺羅水面蜻蜓閒影纖雨珠滴下蛟龍涎，斷無蝶粉沾衣重。妙與蟬紗避鬢，偏碧油幢下。花生綵扇頭，留得香名在。好祝蓮池駕寶航，百蟲飛飛渡塵海。

竇松洪明府 欲峻以旅懷二首見示次韻奉酬

秋心淡到一痕無，倦聽鳴鶯隔巷呼。那得同舟逢李郭，依然弱水阻蓬壺。暮收殘局休爭劫，詩到方家尙問途。  
松溪詩律最工  
猶虛曉下同此去天南雲萬里，昆明池上看銅鳥。  
有  
詩

之行

漫築高臺避宿逋，佈金地少點金無。  
原詩有東坡曾嘆一錢無之句五

洪中

窮笑我空焚柳三善如君合宰蒲宋玉祠荒香草沒明  
妃樓圮粉花枯皆興山古蹟松溪所管領也臨風無限蒼茫意寫到

魚牋點鼠鬚

偕嘯崖明府偶步湖堤小飲澄心花榭兼懷竹

西明府

長堤三里攬酒帘破樓一角倚畫檐滿階黃葉僧不掃  
到門客自掀風簾澄心花榭花事盡此時有佛無花拈  
湖光爲我寫秋影宛如鏡中坐兩鬢不形不履據磐石  
隔籬呼取零沽添我不能飲君獨酌侑之以茗甌香甜  
僧離笑指壁間句紗籠乃有蠟涎黏就中豈無渭城曲

酒氣拂拂上指尖惜哉文人與豪客酸鹹略好終難兼

吾儕花時不過此喰懷淡似秋雲  
竹西在黃州有來至漢南之信林皋亭下夢殘大

城酒壘何森嚴月湖添寫阿鬢照百東坡是三人占花  
開花落等閒事勝游良約無久淹我歌此詩爲之券黃  
九笑我言詹詹

玉山太守以團紗畫扇乞題三首

一抹微雲屋角山是誰妙手彷荆關石湖烟雨橫塘路  
人在帆光塔影間

綠水長洲憶舊家名園好向畫中誇  
太守舊宅有綠水園他年結

社重相訪老樹當門繫釣檣

斜行細字界烏絲寫向桃根與柳枝我不還山公典郡  
江城傳唱扇頭詩

奉檄隨同趙虛舟郡伯查勘江州堤口事竣占

呈長律二首

減從輕裝厯漢陰何曾載鶴與囊琴能除蠹樊真方面

下車卽首憲吏胥之蠭者不忍鴻噭矢寸心夏屋近邀清蔭滿館舍

以省僕從之勞冬官早沐甚恩深由工部出守後車偏許駕駘駕

也聽兒童竹馬音

版築躬操戒遠巡障川手是作舟身三年澤國謀安堵

川邑頃有  
暴水患一  
縣治乃長官  
有此役刮目故鄉人東風也解停車意浣却衣邊

袖底塵

丙子長至日王右圃明府招同彭秋舫黃嘯崖  
李東觀楊固堂石赤霞吉蘚眭椿繩山諸君之  
同官楚北者集友于堂爲甲寅同年團拜而強  
余濫觴其間是引鬢爲同調也主人卽席賦詩  
二章因亦忻然和之以誌一時觴咏之雅

輞川小築徑新開此飲難辭酒百回老筆輸君光燄燭  
焦葵愧我爨餘灰逢場竿木非空幻同譜花枝妙剪裁

筵前不列笙歌但設隨身笑倒月宮張廣謳羣仙偏要

筆木爲移花弄丸之戲

散仙陪

記向山巔夢水涯同心話到歲寒時

謂蕭崖曾至施州與余重聯舊雨

葭吹舊律回新律瓜代先期竟後期

諸君多有因代務留滯鄖城者

陣風雲同樹幟一家詩酒勝園葵

兩文郎才藻翩翩各以近著就質

才事事輸公等卅載鄉書也計資

余以戊申鄉薦若論科資忝列甲寅以前

然同年星散文酒之懽殊不易覩也